


VSCHINAUNCHA DA S-CHANF



**LEDSCHA DAVART PARKER VEICULS A
MOTOR SÜN TERRAIN PUBLIC**

(Ledscha da parker)

Versiun radunanza cumünela

Ledscha davart parker vehiculs a motor sün terrain public (**Ledscha** da parker)

Art. 1 **Definiziun**

¹ Scu parkegis publics sün terrain public velan las plazzas generelmaing accessiblas e signalisedas resp. markedas per vehiculs a motor sün vias e plazzas publicas, sün immobiglias in possess da la vschinauncha scu eir sün areals i'l dret d'utilisaziun da la vschinauncha.

Art. 2 **Concept da parker**

¹ **La suprananza cumünela** elavura ün concept da parker scu basa per las sancziuns chi sun da decreter.

² Il parker generel sün terrain public vain reglo tres limitaziuns **da lö e da temp**.

³ Illas zonas signalisedas cun scumand da parker es scumando da parker dadour las plazzas da parker signalisedas resp. markedas sün terrain public.

⁴ **La suprananza cumünela** fixescha differentas categorias da plazzas da parker.

⁵ In cas d'occurrenzas specielas paun las restricziuns da parker gnir annulladas transitoriamaing. Pel medem motiv paun eir gnir decretos scumands da parker transitoris.

⁶ S-charg e recharg da marchanzia, prestaziuns da servezzans, lavuors da fabrica ed oter pü sun be pussibels davent da plazzas da parker a temp limito. Dadour las plazzas da parker markedas, po l'administraziun cumünela conceder ün permiss per ün temp limito e suottamiss a taxas per pudair surpasser la düreda maximela da parker resp. per parker dadour las plazzas da parker markedas.

⁷ In cas chi vain permiss da parker dadour las plazzas da parker markedas nu **suos-cha** gnir impediue l'ulteriur trafic e la sgürezza dal trafic. A sun **da resguarder** las dispusiziuns da l'autorited cumünela.

Art. 3 Taxes da parker

¹ Cun exepciun dals parcegis Prasüras es il parker sün terrain public per princip gratuit.

² La suprastanza cumünela fixescha las taxas da parker adequatas.

Art. 4 Adöver da las taxas

¹ Las entredgias da las taxas da parker servan in prüma lingia a la gestiun ed al mantegniment dals implaunts da parker e lur indrizs scu eir a l'indemnisaziun dals cuosts per la controlla da las plazzas da parker.

Art. 5 Aboliziun e modificaziun dal dret da fin uossa

7

¹ Cun l'entreda in vigur da quista ledscha vegn abolieu il reglamaint da parker dals 4 avrigl 2012 scu eir ils decrets chi as basan sün el. Il medem vela per decisiuns, per quaut ch'ellas staun in cuntradicziun cun la nouva ledscha inclusivmaing l'uorden in merit.

Art. 6 Entreda in vigur

¹ Quista ledscha da parker aintra in vigur cun l'approvaziun tres la radunanza cumünela dals_____.

Vschinauncha da S-chanf

Il president:

sig.G. Largiadèr

L'actuar:

sig. G.L. Vitalini